

而爲天下非託天下之要也故曰若可寄若可託言若則不可寄不可託之義也

葉夢得曰不貴其貴而貴其身雖得天下而不敢執視之猶逆旅茲非可以寄天下者乎不愛其寵而愛其身雖有天下而不敢任處之猶籬廬茲非所以托天下者乎

黃茂材曰人不知貴其身者以天下爲重而以身爲輕爾故不知貴其身人不知愛其身者以天下爲大而以身爲小爾故不知愛其身老子之道以身爲天下可貴可愛者皆在身彼天下特其外物故可寄托焉

林東曰達人遺寵而辱不及忘身而患不至有身者以其不

道藏輯要

道德真經
彭鶴林集注

卷

心集
大白

能忘身也忘身則無身而亦無患若舜有天下而不與堯之非心黃屋則幾矣貴與愛寄與托則一意辭勢互換然耳

視之不見章第十四

視之不見名曰夷聽之不聞名曰希搏之不得名曰微此三者不可致詰故混而爲一

碧虛子陳景元曰無形之形天地以生謂之夷無聲之聲五音以始謂之希無緒之緒萬端以起謂之微此皆先賢舉其進道之方也若夫能忘其視聽冥其循搏混一都無則至矣盡矣不可以加矣

穎濱蘇轍曰此三者雖有智者莫能詰也要必混而歸於一

而後可爾所謂一者性也三者性之用也人始有性而已及其與物構然後分裂四出爲視爲聽爲觸日用而不知反其本非復混而爲一則曰遠矣若推而廣之則佛氏所謂六入皆然矣首楞嚴有云反流全一六用不行此之謂也

道真仁靜先生曹道冲曰大象平夷無色可見大音希聲嘿不可聽冲妙無形虛不可執三者謂希夷微也皆無質象不可以器位分之故復混爲一非視聽把執擊搏之能知似隱似見或存或亡不可究詰亦若萬籟一風而異聲七竅同氣而殊用思不可推言不可議者也

清源子劉驥曰夷則無色故視之不見希則無聲故聽之不

道藏輯要

道德真經
彭鶴林集注

夷

心集六
入廿川

聞微則無形故搏之不得此三者不可致詰隨事強名夫道一而已故混而爲一

黃茂材曰此章論真有也真有雖有視之不見聽之不聞搏之不得則近於無老子慮夫人之溺於無而不知其有於是爲之別白而言曰是道也分之則爲三夷希微是也合之則爲一混然者是也是皆真有非無人不能知之乃謂老莊爲虛無之學豈足與語道哉

其上不皦其下不昧

御註曰形而上者陰陽不測幽而難知茲謂至神故不皦皦言明也形而下者一陰一陽辨而有數茲謂至道故不昧昧

言幽也

碧虛子陳景元曰夫形色之物皆有涯分惟道超然出於九天之表處陽而不明存乎太極之先而不爲高矣使其學者居上與日月齊照而其光不皦故曰其上不皦沈然沒於九地之外處陰而不暗流乎六極之下而不爲深矣使其學者在下與瓦甓同寂而其明不昧故曰其下不昧

涑水司馬光曰皦明也道之昇萬物以生而不可見道之降萬物以息而未嘗亡

穎濱蘇轍曰物之有形者麗於陰陽故上皦下昧不可逃也

道雖在上而不皦在下而不昧不可以形數推也

道藏輯要

道德真經
彭鶴林集注

堯

心集六
川上三

道真仁靜先生曹道冲曰忽焉在上明而不曜倏然在下幽而不晦

陳象古曰皦明白之稱也昧隱暗之稱也不皦謂道行於己不自明其功也不昧謂道施於物不可隱蔽於其理也

黃茂材曰此又論無之非無也其在上也人見其皦而非皦其在下也人見其昧而非昧

繩繩兮不可名復歸於無物

御註曰道之體若晝夜之有經而莫測其幽明之故豈貌像聲色可得而形容乎故復歸於無物

穎濱蘇轍曰繩繩運而不絕也人見其運而不絕則以爲有

物矣不知其卒歸於無也

清源子劉驥曰繩繩兮綿綿不絕運用無窮不可得而形容復歸於無物

是謂無狀之狀無物之象是謂恍惚

御註曰無狀之狀無物之象恍兮惚其中有物惚兮恍其中有象猶如太虛含蓄萬象而不睹其端倪猶如一性靈智自若而莫究其運用謂之有而非有謂之無而非無若日月之去人遠矣以鑑燧求焉而水火自至水火果何在哉無狀之狀無物之象亦猶是也

穎濱蘇轍曰狀其著也象其微也無狀之狀無物之象皆非

道藏輯要

道德真經
彭鶴林集注

本

心集六
四上八

無也有無不可名故謂恍惚

迎之不見其首隨之不見其後

御註曰其始無首其卒無尾故迎之隨之有不得而見焉

道真仁靜先生曹道冲曰周流無端故無首尾

陳象古曰不可致詰故如是

清源子劉驥曰莫知其始故迎之不見其首莫知其終故隨之不見其後

黃茂材曰此又論無有之非無有也既謂惚恍矣烏有其首之可迎烏有其後之可隨雖無其首與後也謂無其中可乎經曰惚兮恍其中有象恍兮惚其中有物其中何也物與象

是也由此以言無有之非無有可見矣

執古之道以御今之有能知古始是謂道紀

御註曰一陰一陽之謂道師天而無地者或蔽於道之動而憑其強陽師陰而無陽者或溺於道之靜而止於枯槁爲我者廢仁爲人者廢義豈古之道哉不可致詰而非有是謂恍惚而非無執之以馭世則變通以盡利鼓舞以盡神而無不可者此所謂自古以固存者歟

碧虛子陳景元曰古道者無形無名天地之原萬物之宗也卽視之不見聽之不聞之道也老氏使其治身治世者持執上古無爲自然之道制馭卽今有爲煩撓之俗歸乎清風復

道藏輯要

道德真經
彭鶴林集注

卷

心集六
X B 十 川

乎太始使各正性命不遷其德是謂知道之綱紀也

陸佃曰能知古始古者今之所出始者終之初莊子所謂無端之紀是也

道真仁靜先生曹道冲曰綿古不移道也見機而作事也治身者執古之道謂人之靈物與造化齊生不泯不滅今之有者身也受之於陰陽得之於父母貨一氣以有生本五行以成質執守神用攝御身形是謂執古之道不失御今之有不虧古謂先天之道始謂萬物之宗能知道者是謂執物之紀而總之

清源子劉驥曰聖人體道之真以治身緒餘土苴以治天下

國家所以御今之有也能知古始則知道之大原故是謂道紀

黃茂材曰夫道在太極之先而不為高在六極之下而不為深先天地生而不為久長於上古而不為老時有古今道無古今故可執而御謂道為非有可乎哉太易太初太始太素太極此五太者時之所謂古而道之所謂始人能知之可以為道之紀

古之善為士章第十五

古之善為士者微妙玄通深不可識

御註曰列禦寇居鄭圃四十年人無識者老子謂孔子曰良

道藏輯要

道德真經
彭鶴林集注

卷三

心集六
川上二

賈深藏若虛君子盛德容貌若愚其謂是歟

穎濱蘇轍曰粗盡而微微極而妙妙極而玄玄則無所不通而深不可識矣

道真仁靜先生曹道冲曰雖在世間人不以為異

黃茂材曰齧缺王倪蒲衣子南郭子綦支離疏王骀與夫子祀子與子桑戶之徒皆古微妙玄通之士人不能識故謂莊子寓言焉當商周之季士之被褐懷玉隱居田肆不肯出而搜於世網者何時無之但無所紀見如論語載楚狂接輿荷蓀丈人長沮桀溺今皆謂無是人可乎嗚呼人固難知有道之士尤其難知此經所以謂其不可識